



ديون

ورقة معلومات بتاع إدارة قروشك

لويس دفع دين بتاع بطاقة ائتمان بتاعو كلو

”لويس“ عمل مشروع صغير بتاع بيع لوحات في سوق محلي. وعشان يبدأ مشروع ده هو محتاج يشتري ألوان وفرش بتاع رسم وحاجات تاني.

لويس ماعندو قروش موفرو، واستعمل بطاقة ائتمان بتاعو عشان يشتري حاجات ده. استلف 1200 دولار على حساب بطاقة بتاعو. وهو كان بفتكر أنو لو باع كل لوحات بتاعو ح يقدر يدفع ديون بطاقة ائتمان بتاعو ويعمل قروش زيادة.

في السوق، لويس باع لوحات بسيط بس. وكان دخل بتاعو 720 دولار بس. لويس عرف أنو قروش ده ما كفاية عشان يدفع ديون بطاقة ائتمان بتاعو كلو. هو برضو كان محتاج لجزء من قروش كسبو في السوق عشان يشتري ألوان زيادة. لويس ماكان عارف يعمل شنو.

في وكت متأخر بالليل صاحب لويس اسمو ريون جاو في بيت بتاعو. ريون سأل لويس أنو عمل شنو في سوق. لويس قال لريون أنو ماعمل قروش بكفيو يدفع ديون بطاقة ائتمان بتاعو كلو.

ريون قال للويس أنو أحسن طريقة بتاع إدارة ديون أنك تعمل ميزانية. وقال ليو أنو طريقة ده بساعدك تعرف ديون بتاعك كم وبتقدر تدفع كم. بعد داك لويس بقدر يعرف مدة كم بقدر يدفع فيو ديون بتاعو.

ريون كتب دخل بتاع لويس بكسبو من سوق. وبعدين كتب كل حاجات مفروض لويس يدفع قروش بتاعو زي ألوان وفرش بتاع رسم، وايجار في سوق وأقساط شهري بتاع بطاقة ائتمان بتاعو.

هسي لويس بقى يحس أنو بقدر يسيطر على مشكلة ده. هو بعرف قروش بقدر يدفعو كل شهر كم عشان ديون بتاع بطاقة ائتمان بتاعو. لويس عمل حسابات ولقى أنو بعد 3 شهور ما ح يكون عندو أي ديون.

دين ده يعني شنو؟

دين ده يحصل لَمَن انت تستلف قروش أو يكون عندك فواتير مادفعتو.

دين ده ممكن يحصل لي كيف؟

لَمَن انت تستلف قروش من شركة بتاع تسليف (مقدم ائتمان) بكون عليك دين. قروش ده انت لازم ترجعو ومعاو قروش زيادة زي فواتير

ديون ده برضو ممكن يحصل لَمَن انت تستعمل خدمات وماتدفع قروش بتاعو. خدمات ده زي فاتورة بتاع كهربا، أو فاتورة بتاع موبايل أو فاتورة بتاع انترنت.

في حاجات انت ممكن تعملو لو عندك مشاكل في دفع ديون بتاعك:

- ◀ واصل دفع بتاعك حسب امكانيات بتاعك
- ◀ اتصل بأي زول أو شركة انت مديون ليو وكلمو بمشاكل دفع بتاعك
- ◀ اطلب مساعدة من مستشار مالي عشان يساعدك تعمل إدارة لديون بتاعك.

إنت لازم تتذكر

- ◀ دين ده قروش انت مديون بيو ولازم ترجعو.
- ◀ ممكن يحصل ليك مشاكل قانونية لو انت ما دفعت دين بتاعك.
- ◀ لو انت ما دفعت دين بتاعك، انت ممكن تدفع قروش زيادة.

وين تلقى مساعدة ومعلومات زيادة

لو انت عندك مشاكل بتاع قروش، أضرب تلفون لمستشار مالي مجاني في رقم ده 1800 007 007.

لو انت داير معلومات زيادة عن مستشارين ماليين وإدارة بتاع ديونك، خش في موقع انترنت ده www.moneysmart.gov.au بتاع MoneySmart اضرب تلفون في رقم ده 1300 300 630.

This page has been intentionally left blank.